

15 IUNIE

RUGACIUNEA 1

SF.IERARH

IONA AL MOSCOVEI

SI INTREGII RUSII

МОЛИТВА

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Ионо, предстоя у Престола всех Царя и наслаждаяся света Единосущныя Троицы и херувимски со ангелы возглашая песнь трисвятую, великое же и неизследованное дерзновение имея ко Всемилостивому Владыце, моли спастися паствы Христовы людем, благостояние святых церквей утверди, архиереи благолепием святительства украси, монашествующия к подвигом доброго течения укрепи, царствующий град и вся грады страны добре сохрани и веру святую непорочну соблюсти умоли, мир весь представельством твоим умири, от глада и пагубы избави ны, и от нападения иноплеменных сохрани, старая

утеши, юныя настави, безумныя умудри,
вдовицы помилуй, сироты заступи, младенцы
возрасти, плененныея возврати, немоществующия
исцели, и везде тепле призывающая тя и с
верою припадающая и молящаяся тебе от
всяких напастей и бед ходатайством твоим
свободи, моли о нас Всесвятого и
Человеколюбиваго Христа Бога нашего, да и в
день страшного пришествия Его от шуяго
стояния избавит нас и радости святых
причастники сотворит со всеми святыми во
веки веков. Аминь.